



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendivm Summæ Card. Toleti

Minucius, Genesisius

Sammieli, 1613

De excommunicationibus Bullæ Cœna Domini. 1. contra hæreticos cap.
18. & 19.

urn:nbn:de:hbz:466:1-41701

nec peccant saltem mortaliter, si aliis tantum ministrant sine mortali. Priuat etiam eadem excommunicatio beneficii ecclesiast. passiuam electione, & qui eligitur sciens, mortaliter peccat, & talis electio licet valida, est per iudicis sententiam annullanda. Hæc excommunicatio contrahitur comunicando, cum nominatim excommunicato & publico clerici percussore. Qui hæc ligatur, potest à quolibet sacerdote absolui, inquit Toletus, facultatem habente à mortali absoluedi, & etiam à non approbato, si pœnitens mortali culpa careat.

*De excommunicationibus Bullæ
Cœnæ Domini. Prima
contra hæreticos.*

Cap. 18. 19.

BVlla hæc, illa est, quã Sixtus v. anno 1586. publicari mandauit. Continet quasdam speciales excommunicationes, quæ

Summo Pont. reservantur, & raro aliis conceditur ab eis absoluedi facultas. Solent huiusmodi excommunicationes interdum vocari processus, & his antiquiores nempe Greg. X I. qui sedebat anno 1370. reperiuntur in Bibliotheca vaticana. Sunt quidem ab homine, sed habent vim iuris, quia generaliter fulminantur, vnde etiam mortuo Papa efficaciam habent, & Sede vacante ligant, sicuti Pius Quintus optimè sanxit.

* Prima excommunicatio contra hæreticos fertur & ligat vnde cum personarum genera. Hæreticos omnes, eorū credentes, receptores fautores, defensores, libros hæreticorum hæresim continētes, vel de religione tractantes, sine licentia Sedis Apost. legentes, eosdem libros reuinentes, imprimentes, quomodolibet publicè, vel occultè, aut quouis pretextu defendentes, schismaticos, & eos

Compendium

qui à Rom. Pontificis pro tempore existentis obedientia pertinaciter deficiunt, aut ab illa recedunt. Hæretici dicuntur, qui aliquem errorem habent contra fidem cum pertinacia, cum qua etiam dubius in fide, & in iis, quæ fidei sunt, dicitur infidelis & hæreticus c. 1. de hæresi. Non ligat hæreticos mentales, sed eos, qui nutu, signo, vel facto aliquo hæresim exterius manifestarunt. Nec defensores, & réceptatores illos, qui hæreticos, solú vt consanguineos, aut affines, vel amicos, aut homines ex pietate, seu amore, recipiunt. Neque illos, qui à pontificis obedientia recedunt, quatenus est princeps temporalis, sed illos, qui ab eo recedunt tanquam Christi Vicario.